



**Հանրապետական մանկավարժահոգեբանական
կենտրոն**

**«Հանրակրթական դպրոցների ուսուցիչների և ուսուցչի
օգնականների դասավանդման հմտությունների
զարգացման ապահովում» ծրագիր**

ՀԵՏԱԶՈՏԱԿԱՆ ԱՇԽԱՏԱՆՔ

Դպրոց՝ <<ՀՀ Գեղարքունիքի մարզի Սևան քաղաքի Յա.
Զարոբյանի անվան N 2 հիմնական դպրոց>> ՊՈԱԿ

Առարկա՝ Դասվար

Թեմա՝ Անհատական ուսուցման պլանով աշխատելու
կարևորությունը

Վերապատրաստող, մենթոր՝ Արմենուհի Մելքոնյան
Ուսուցիչ՝ Հասմիկ Խաչատրյան

Բովանդակություն

Ներածություն-----	3
Գլուխ 1. Հետազոտական մաս ` Անհատական ուսուցման պլան-----	5
Գլուխ 1.1 Անհատական ուսուցման պլանը Հայաստանում-----	10
Գլուխ 2. Խորհուրդներ ուսուցիչներին-----	15
Եզրակացություն-----	19
Եզրույթների բառարան-----	21
Գրականության ցանկ-----	22

Ներածություն

Արդիականությունը՝

Մարդու գերակա իրավունքների շարքում կարևորներից է կրթության իրավունքը, որի հիմնահարցերը մշտապես եղել և մնում են բոլոր քաղաքակիրթ երկրների ու ժողովուրդների ուշադրության կենտրոնում: Այսօր էլ անհնար է ունենալ կրթության բարձր որակ և լինել մրցունակ, եթե երկրի կրթության համակարգը չի ինտեգրվում միջազգային կրթական գործընթացներին և չի ապահովում միջազգային չափանիշներ: Իսկ դրա համար անհրաժեշտ է, որ համակարգը զարգանա բարեփոխումների ճանապարհով, ինչն այսօր որդեգրել է Հայաստանի Հանրապետության կրթության համակարգը: Այդ բարեփոխումները խարսխվում են մարդասիրական, ժողովրդավարական կրթության արժեքների վրա, ուր առանձնահատուկ տեղ են գրավում հատուկ կրթության հիմնահարցերը, մասնավորապես՝ ներառական ուսուցմամբ կրթության խնդիրները: Այս համատեքստում **արդիական են** դառնում զարգացման խանգարումներ ունեցող երեխաներին ցուցաբերվող սոցիալ-մանկավարժական օգնության կազմակերպման հարցերը, դրանց լուծման ուղիները, ինչպես նաև ԱՌԻՊ-ով իրականացվող կրթությունը ԿԱՊԿՈւ երեխաների հետ:

Սույն հետազոտական աշխատանքի **նպատակն է** ուսումնասիրել ԱՌՊ –ով իրականացվող կրթությունը ԿԱՊԿՈւ երեխաների հետ աշխատանքում և հասկանալ դրա կարևորությունը:

Հետազոտական աշխատանքի **խնդիրներն են՝**

1. Խորացնել գիտելիքները անհատական ուսուցման պլանի վերաբերյալ:
2. Զարգացնել Հայաստանում Կրթության առանձնահատուկ պայմանների կարիք ունեցող երեխաների հետ կրթության կազմակերպումը:

Հետազոտական աշխատանքը իրականացնելիս ուսումնասիրել ենք Հայաստանում կրթության առանձնահատուկ պայմանների կարիք ունեցող երեխաների կրթության կազմակերպումը:

Հայաստանում կրթության առանձնահատուկ պայմանների կարիք ունեցող յուրաքանչյուր երեխայի կրթությունը կազմակերպվում է նրա ԱՌԻՊ-ում սահմանված նպատակներին համապատասխան: Հայաստանի Հանրապետության Կրթության

մասին օրենքում լրացումներ ու փոփոխություններ կատարելու մասին 2014թ.ին ընդունված օրենքի հոդված 3-ի 10.8 կետի համաձայն՝ անհատական ուսուցման պլանը հանրակրթության պետական և առարկայական չափորոշիչների, ծրագրերի և երեխայի կրթության առանձնահատուկ պայմանների կարիքի հիման վրա կազմված փաստաթուղթ է, որը սահմանում է սովորողի կրթության կազմակերպման տարեկան նպատակը, խնդիրները և դրանց հասնելու գործողությունները (ներառյալ՝ աջակցող ծառայությունները): Անհատական աջակցման պլանը կազմված է երկու բաղադրիչից՝ անհատական ուսուցման պլան (ԱՌԻՊ) և մանկավարժակահոգեբանական աջակցության ծառայությունների անհատական պլան (ՄԱԾԱՊ): ԱՌԻՊ-ը գրավոր փաստաթուղթ է, որտեղ սահմանվում են կրթության առանձնահատուկ պայմանների կարիք ունեցող երեխայի ուսումնական, սոցիալական և ֆունկցիոնալ առանձնահատուկ նպատակները: ՄԱԾԱՊ-ը ներկայացնում է աշակերտի ուսումնական, սոցիալական և ֆունկցիոնալ նպատակներին հասնելու յուրահատուկ միջամտությունները: Այս փաստաթղթերը էական նշանակություն ունեն դպրոցներում, որովհետև ներառական միջավայրերում յուրաքանչյուր երեխայի դեպքում կարող են կիրառվել դասավանդման յուրահատուկ մոտեցումներ և ակնկալվել տարբեր կրթական վերջնարդյունքներ:

Գլուխ 1. Հետազոտական մաս՝ Անհատական ուսուցման պլան

Հետազոտական աշխատանքը իրականացնելիս ուսումնասիրել ենք անհատական ուսուցման պլանը և դրա կիրառելիությունը: Այսօր Հայաստանի Հանրապետությունում ներառական ուսուցմամբ կրթություն են իրականացնում բազմաթիվ դպրոցներ, որտեղ հատուկ կարիքներ ունեցող երեխաները՝ տարաբնույթ խնդիրներով, իրենց կրթությունն են ստանում բնականոն զարգացում ունեցող իրենց տարեկիցների հետ: Բացի դպրոցներից՝ մեր երկրում գործում են նաև մի շարք կենտրոններ և հասարակական կազմակերպություններ, որոնք զբաղվում են տարբեր խանգարումներ ունեցող երեխաների խնդիրներով, կատարում կարևոր գործառույթ՝ լուծելով երեխայի անխաթար սոցիալականացման հիմնախնդիրը: Այսօր ինչպես մասնագետների, այնպես էլ հասարակության գերակշիռ մասի կարծիքով կենսագործունեության սահմանափակ հնարավորություններ ունեցող երեխաներին

մեկուսացնելով առանձին հատուկ ուսումնական հաստատություններում՝ զրկում ենք նրանց ճիշտ աշխարհընկալումից, սոցիալականացման հնարավորությունից: Երեխաների մեկուսացումը հատուկ կրթական հաստատություններում բերում է նրան, որ նրանք զրկվում են մի շարք սոցիալական կապերից: **Ուստի ներառական ուսուցմամբ կրթության քաղաքականության հիմքում երեխայակենտրոն ուսուցումն է, որի էությունը ոչ միայն երեխայի սահուն ներառումն է իր նորմալ տարեկիցների շրջանում, այլև յուրաքանչյուր երեխայի պահանջմունքների գնահատումն ու կրթության գործընթացին երեխայի ակտիվ մասնակցության խրախուսումը:** Ի վերջո, քաղաքակիրթ աշխարհում արդեն վաղուց ընդունված է, որ սահմանափակ կարողություններով երեխաները պետք է սովորեն, աշխատեն և հաղորդակցվեն նորմալ հասակակիցների հետ, հավասար իրավունքներով:

Հայաստանի Հանրապետության Կրթության մասին օրենքում լրացումներ ու փոփոխություններ կատարելու մասին Կրթության մասին ՀՀ օրենքի (2014)՝ ԱՌԻՊ-ը և ՄԱԾԱՊ-ը կազմվում են կրթության առանձնահատուկ պայմանների վկայագրված կարիք ունեցող երեխաների համար: ԱՌԻՊ-ի նպատակը կրթության առանձնահատուկ պայմանների կարիք ունեցող երեխաների կրթության կազմակերպման նպատակների և խնդիրների ձևակերպումն է. դրանք կարող են վերագնահատվել և փոփոխվել երեխայի ուսումնառության ընթացքում: ԱՌԻՊ-ները օգտակար են ուսուցիչների, ծնողների և աշակերտների համար, քանի որ պարունակում են տեղեկատվություն այն մասին, թե ինչ է երեխան սովորելու դպրոցում: Օրինակ, եթե տվյալ դասարանում սովորում է կրթության առանձնահատուկ պայմանների կարիք ունեցող երեխա, ուսուցիչը կարող է ԱՌԻՊ-ը օգտագործել դասավանդումը պլանավորելու համար: Ցանկացած դասի համար ԱՌԻՊ-ը օգնում է պլանավորելու լրացուցիչ օժանդակություն, հարմարեցնելու դասավանդման նյութերը կամ առանձին օգնություն տրամադրելու աշակերտին՝ բովանդակությունը հասկանալու համար: ՄԱԾԱՊ-ը ուսուցիչներին օգնում է իմանալու, թե ինչ թերապևտիկ կամ լրացուցիչ, հատուկ կրթական ծառայություններ է ստանում երեխան, ինչպես նաև օգնում է պլանավորելու իրենց աշխատանքը երեխայի կարիքներին համապատասխան: ԱՌԻՊ-ի և ՄԱԾԱՊ-ի օգնությամբ ծնողները հստակ տեղեկատվություն են ստանում երեխայի ակադեմիական, սոցիալական և

ֆունկցիոնալ առաջընթացի մասին: Առաջընթացի տարեկան վերլուծությունների միջոցով ծնողները կարող են տեսնել, թե արդյո՞ք իրենց երեխան ստանում է այն ուշադրությունը, որը անհրաժեշտ է դպրոցում մասնակցության և առաջընթաց գրանցելու համար: **Վերջապես, ԱՌԻՊ-ն ու ՄԱԾԱՊ-ը առաջին հերթին օգտակար են երեխաների համար, որովհետև կրթական ծրագրերը համապատասխանեցվում են նրանց կրթական կարիքներին:**

ԱՌԻՊ-ի միջոցով ձևակերպվում են կրթության առանձնահատուկ պայմանների կարիք ունեցող սովորողների կրթության նպատակները: Անհատական կրթական պլաններ կոչվող նմանատիպ փաստաթղթեր տարիներ շարունակ կիրառվել են ԱՄՆ-ում և ուղղված են եղել պարզելուն, թե որքանո՞վ է երեխայի կրթություն ստանալու իրավունքը իրացվում: ԱՄՆ-ում սովորողի կրթական և թերապևտիկ նպատակների վերաբերյալ տեղեկությունները ներկայացվում են միևնույն փաստաթղթում: Հայաստանում այս ինֆորմացիան զետեղված է երկու առանձին փաստաթղթում՝ ԱՌԻՊ-ում և ՄԱԾԱՊ-ում: Երկուսն էլ բազմամասնագիտական թիմին, այդ թվում ուսուցչին, ներկայացնում են երեխաների կրթական, սոցիալական և ֆունկցիոնալ նպատակների վերաբերյալ որոշումների արձանագրությունները (Everett, 2017): Անհատական կրթական պլանի, ԱՌԻՊ-ի և ՄԱԾԱՊ-ի հիմնական առանձնահատկությունը SMART նպատակներն են: Jung (2007) տվել է SMART նպատակի նկարագրությունը: Ստորև բերված օրինակը վերցված է Միացյալ Նահանգներում օգտագործվող անհատական կրթական պլանից և կազմված է մտավոր ֆունկցիայի խանգարում ունեցող սովորողի համար: Նպատակները վերաբերում են կրթական, սոցիալական և ֆունկցիոնալ ոլորտներին: Այս մոդելն օգնում է երեխայի համակողմանի զարգացմանը: Երեխան (Լատուրա պայմանական անունով) ակադեմիական տեսակետից շատ է զիջում դասընկերներին և մյուս դասընկերների հետ դասապրոցեսին մասնակցում է մասնակիորեն որոշակի դասաժամերի ընթացքում: Ի տարբերություն իր դասընկերների, նրա համար սահմանված են ուսման այլ՝ անհատական նպատակներ: Թիմը Լատուրայի կրթության համար սահմանել է չորս նպատակ: Որոշվել էր, որ երեխան՝ թեև անհատական, առանձնահատուկ նպատակներին, օրվա մի մասը կանցկացնի իր համադասարանցիների հետ: Օրվա մնացած ժամանակահատվածը Լատուրան

անցկացնում է դպրոցի տարածքում տեղակայված այլ սենյակներում՝ յուրացնելով կյանքի հիմնական հմտությունները, օգտվելով բազմազան մասնագետների ծառայություններից և կատարելով ֆիզիկական վարժություններ: Ծառայությունների վերաբերյալ որոշումներն ընդունել էր բազմամասնագիտական թիմը՝ Լաուրայի ծնողների հետ միասին: Թիմը որոշել էր, թե գիտելիքների որ մասը Լաուրան կյուրացնի իր համար առավել արդյունավետ, փոքր դասարանում, և որ մասը՝ սովորական դասարանում: Ստորև ներկայացված են Լաուրայի կրթության նպատակներից չորսը: Դրանք յուրահատուկ են, չափելի, մատչելի, իրատեսական և ժամկետային: Դրանք անդրադառնում են ակադեմիական, ֆունկցիոնալ հմտություններին և ֆիզիկական զարգացմանը: Լաուրայի կրթության համար սահմանված նպատակներից յուրաքանչյուրը հիմնված է նրա ֆունկցիոնալության ընթացիկ մակարդակի, զարգացման հեռանկարի վրա և հնարավորություն է տալիս պլանավորելու նրա հաջորդ տարվա ուսուցումը և թերապիան:

Ուսումնասիրել ենք հետևյալ ԱՌԻՊ-ը և լրացրել համապատասխան կետերը:

ԱՆՀԱՏԱԿԱՆ ՈւՍՈւՑՄԱՆ ՊԼԱՆ՝ ԱՌԻՊ
Հաստատված՝ <u><<ՀՀ Գեղարքունիքի մարզի Սևան քաղաքի Յա. Ջարոբյանի անվան N 2 հիմնական դպրոց>> ի կողմից:</u>
Տնօրեն՝ <u>Կ. Գևորգյան</u>
Հաստատման ամիս, ամսաթիվ, տարի _
1. ՍՈՎՈՐՈՂԻ ԱՆՁՆԱԿԱՆ ՏՎՅԱԼՆԵՐ

- 1.1 Ազգանուն, անուն, հայրանուն Ք. Ե. Ա.
- 1.2 Ծննդյան վայր քաղաք Սևան
- 1.3 Ծննդյան օր, ամիս, տարեթիվ 23.06.2007թ.
- 1.4 Սեռը՝ իգական արական
- 1.5 Քաղաքացիությունը Հայաստանի Հանրապետություն
- 1.6 Բնակության հասցեն -----
- 1.7 Ուսումնական հաստատությունը «ՀՀ Գեղարքունիքի մարզի Սևան քաղաքի Յա. Զարոբյանի անվան N 2 հիմնական դպրոց» ՊՈԱԿ
- 1.8 Դասարանը (նշել ուսումնական տարին) 9գ /2022-2023/
- 1.9 Ծնողների (օրինական ներկայացուցիչների) անուններն ու հեռախոսահամարները _
- 1.10 Արտակարգ իրավիճակների դեպքում՝ կապի միջոց՝ աշխատանքային և բնակարանի հեռախոսահամարներ _

Նկ.1

ԱՌԻՊ-երի կազմման գործընթացքում առկա է երեք առանցքային խնդիրը: Ծնողների ճնշող մեծամասնությունը գաղափար անգամ չունի, թե ինչ է իրենից ներկայացնում ԱՌԻՊ-ը և որն է դրա նպատակը: Բնականաբար, ծնողները չեն մասնակցում ԱՌԻՊ-երի մշակմանը և պատկերացում չունեն, թե որքանով է իրենց երեխաների կրթության փաստացի կազմակերպումը բխում երեխաների՝ ԱՌԻՊ-ում ամրագրված կարիքներից: ԱՌԻՊ-երի կազմման ընթացքում հանդիպող մյուս խնդիրը կապված է բազմամասնագիտական և առարկայական ուսուցիչների միջև թույլ համագործակցության հետ: Մասնավորապես խոսքը գնում է այն մասին, որ շատ դեպքերում առարկայական ուսուցիչները բավարար ուշադրություն չեն հատկացնում ԱՌԻՊ-ում 11 նախատեսված իրենց բաժինները լրացնելուն՝ պատճառաբանելով, որ ԿԱՊԿՈՒ երեխաներով պետք է զբաղվի բազմամասնագիտական թիմը, այլ ոչ թե

առարկայական ուսուցիչները: Երրորդ խնդիրը կայանում է նրանում, որ ԱՌԻՊ-երի վերանայման ընթացքում ամրագրվում է միայն երեխայի՝ առաջընթաց ունենալու կամ չունենալու փաստը: Եթե որևէ առաջընթաց չի դիտարկվում, ապա վերջնականապես փոփոխվում է կամ մնում է նույնը: Բավարար ուշադրություն չի դարձվում այն գործոնների վերլուծությանը, որոնք կարող են հիմք հանդիսանալ առաջընթացի բացակայության և ըստ այդմ՝ մեթոդների և մոտեցումների մեջ փոփոխություններ կատարելու համար:

Գլուխ 1.1 Անհատական ուսուցման պլանը Հայաստանում

ԱՌԻՊ-ը համեմատաբար վերջերս է ներդրվել Հայաստանում: Ըստ համընդհանուր ներառական կրթության համակարգի ներդրման գործողությունների պլանի՝ համընդհանուր ներառական կրթությունը նախ ներդրվել է Սյունիքի մարզում (2017թ.-ին), ապա Տավուշի և Լոռու մարզերում: ԱՌԻՊ-ի առաջընթացը ներկայացվում է սույն դասագրքի հրապարակման պահի դրությամբ:

1. Եթե ծնողները, ուսուցիչները կամ տնօրենը կասկածում են, որ որևէ երեխայի կրթության իրավունքը լիարժեք չի իրացվում, հրավիրվում է խորհրդակցություն: Դպրոցը տրամադրում է լրացուցիչ աջակցություն և կազմակերպում գնահատումներ դպրոցում: Եթե երեխային անհրաժեշտ են լրացուցիչ գնահատումներ, ծնողների

համաձայնությամբ դպրոցը դիմում է գնահատման կենտրոն և փոխանցում է երեխայի մասին հիմնական տեղեկություններ:

2. Հաջորդ մի քանի շաբաթների ընթացքում գնահատման կենտրոնի անձնակազմը կատարում է այդ երեխայի գնահատումը և նրան դիտարկում է դպրոցի ներսում: Գնահատող փորձագետները կարող են օգտվել տարբեր գնահատումներից (օրինակ՝ ֆունկցիաների միջազգային դասակարգումից), հարցազրույցներ անցկացնել ծնողների, ուսուցիչների և աշակերտի հետ և դիտարկումներ կատարել դասարանում: Գնահատման ավարտին հրավիրվում է հանդիպում՝ ԱՌԻՊ -ի քննարկման համար:

3. Բազմամասնագիտական թիմը, որը ներառում է աշակերտին, ծնողներին, ուսուցիչներին, տնօրենին, համապատասխան մասնագետներին և գնահատման կենտրոնի անձնակազմի ներկայացուցիչներին, հանդիպում և մշակում է աշակերտների անհատական ուսուցման պլանը, սահմանում նպատակները: Եթե երեխան ունի նեղ մասնագիտական միջամտության կարիք, մշակվում է նաև մանկավարժահոգեբանական աջակցության ծառայությունների անհատական պլանը (ՄԱԾԱՊ): ԱՌԻՊ-ի կազմման նախնական հանդիպմանը թիմի անդամներն անդրադառնում են ԱՌԻՊ ձևաթղթում նշված բոլոր հարցերին, հնարավորինս պատասխանում դրանց: Վերջնական փաստաթղթի ստորագրումից հետո այն դառնում է պայմանագիր դպրոցի, նրա աշխատակիցների, գնահատման կենտրոնի, ծնողների և երեխայի միջև: Պլանը պետք է ունենա չափելի նպատակներ, որոնց առաջընթացը կարող է հաճախակի ստուգվել: Այնուհետև թիմը հանդիպում է տարին մեկ անգամ՝ նպատակների իրագործման առաջընթացը ստուգելու և հաջորդ տարվա պլանը կազմելու համար: ԱՌԻՊ գործընթացը պետք է կառուցվի փաստերի հենքի վրա և լինի մասնակցային: Սակայն այն, ինչ ծրագրվում է տեսությամբ և քաղաքականության մեջ, դեռևս լիովին չի ներդրվել գործնականում: Կրթական հետազոտությունների և խորհրդատվության կենտրոնը (2013) եզրակացրել է, որ Հայաստանում ԱՌԻՊ-ի իրականացմանն առնչվող տարբեր խնդիրներ կան:

Ըստ կենտրոնի.

- Բազմամասնագիտական թիմերը հստակ չեն պատկերացնում իրենց դերը,

- ուսուցիչներն անտարբեր են երեխաների անհատականացված նպատակների նկատմամբ,
- կադրերը սուղ են, ինչը հնարավորություն չի տալիս հասնելու անհատականացված նպատակներին,
- համագործակցությունը բազմամասնագիտական թիմերի ներսում թույլ է:

Այս ամենի պատճառով կան ԱՌԻՊ-ին առնչվող մի քանի կարևոր հարցեր, որոնք ուսուցիչները պետք է նկատի առնեն: Դրանք և դրանց առնչվող ռեսուրսները թվարկված են ստորև:

ԱՌԻՊ-ին առնչվող կարևոր նկատառումներ

1. Ընտանիքի ներգրավվածությունը

Ընտանիքի (աշակերտը՝ ներառյալ) մասնակցությունը ԱՌԻՊ-ի կազմման գործընթացին ամենակարևոր գործոններից է: Չնայած ուսուցիչները և գնահատող փորձագետները լավ գիտեն երեխաներին, երեխաների կյանքի փորձագետները նրանց ծնողներն են և իրենք՝ երեխաները: ԱՌԻՊ-ը կազմելիս ներկայումս ծնողներից խնդրում են նկարագրական տեղեկություններ տալ իրենց երեխայի ֆունկցիոնալության ընթացիկ մակարդակների, երեխայի նախասիրությունների, նրա համար տհաճ բաների մասին և այլն: Սակայն անհատական ուսուժման պլանի մշակման իդեալական կազմակերպման համար ծնողների և երեխայի կարծիքները պետք է հաշվի առնվեն կրթությանն առնչվող նպատակները, աջակցության աստիճանը և կրթության՝ ուշադրության արժանի ամենակարևոր ուղղությունները որոշելիս: Ծնողների մասնակցությունն ավելի գործուն դարձնելու մի ձև է գործողությունների պլանի մշակման գործընթացում նրանց ներգրավելը: Գործողությունների պլանի մշակումը գործընթաց է, որը կարող է օժանդակել բազմամասնագիտական թիմին, ծնողներին և երեխային՝ պլանավորելու ԱՌԻՊ-ի նպատակները, օգնելու հասնել ցանկալի ապագային:

Ամփոփելով պետք է ասել, որ երեխաների կրթության և զարգացման գործընթացների վերաբերյալ կարևոր տեղեկատվությանը ծանոթանալը կօգնի մեզ դառնալ մեր սովորողի ԱՌԻՊ-ի թիմի վստահ անդամ:

ՀՀ-ում կրթության առանձնահատուկ պայմանների կարիքի գնահատումը կատարվում է ԲՀՄԳ կենտրոնի կողմից: Հետազոտության արդյունքների համաձայն թե՛ մայրաքաղաքում, թե՛ մարզերում ծնողների շրջանում գոյություն ունի թերտեղեկացվածություն կրթական կարիքների գնահատման գործընթացի էության և դրա նպատակների վերաբերյալ: Սակայն, եթե Երևանում ծնողները քիչ թե շատ տեղեկացված են, թե երբ և ինչպես է տեղի ունեցել իրենց երեխաների կարիքների գնահատումը, ապա մարզերում ծնողների մի զգալի մասն ընդհանրապես պատկերացում չունեն այդ գործընթացի մասին: Սա ամենևին չի նշանակում, որ գնահատումն ընդհանրապես տեղի չի ունեցել: Պարզապես գործընթացի նպատակը ծնողների մի մասը՝ 34 ծնողից 14-ը, չի ընկալել: Ո՛չ դպրոցի, ո՛չ էլ գնահատման կենտրոնի մասնագետները ծնողներին պատշաճ կերպով չեն բացատրել կարիքների գնահատման էությունը: Ծնողները նշում էին, որ եկել են ինչ-որ մարդիկ Երևանից կամ այլ հարակից մարզերից, և երեխայի հետ զրուցել են, գույներ են ցույց տվել, հարցեր են տվել, ու վերջում եզրակացրել են, որ երեխան կարող է գնալ/շարունակել գնալ դպրոց: Երբեմն կարիքների գնահատումը նույնացվում է կարիքները հոգալու համար անհրաժեշտ օգնության տրամադրման հետ: Օրինակ՝ ուսումնասիրված դեպքերից մեկում ծնողը խիստ վրդովված էր այն հանգամանքով, որ գնահատումից հետո իր երեխային չեն տրամադրել սայլակ, և նա ստիպված է եղել խնդիրը լուծել սեփական ուժերով: Ինչ վերաբերում է այն դեպքերին, երբ ծնողը հետամուտ է եղել իր երեխայի կրթական կարիքների գնահատմանը, ապա առանձնացվում է գործընթացի հետ կապված երկու հիմնական դժգոհություն: Ինչպես փաստում է ԲՀՄԳ կենտրոնի տնօրենը, երեխայի կրթական կարիքների գնահատումը կարող է տևել մեկ օրից մինչև 2 շաբաթ՝ կապված դեպքի բարդությունից և լրացուցիչ մասնագետներ ներգրավվելու անհրաժեշտությունից: Այդուհանդերձ, տվյալ հետազոտության մեջ ներառված դեպքերի գերակշիռ մեծամասնությունում գնահատումը տևել է մեկից երկու օր: Որոշ ծնողների հավաստմամբ 1-2 օրում անհնար է ճշգրիտ պատկերացում կազմել երեխայի կարիքների մասին: Անհրաժեշտ է տևական ժամանակ և այցելություններ դպրոցներ, քանի որ հավանական է, որ իր համար հարազատ միջավայրում երեխան ավելի անկաշկանդ վարք կցուցաբերի և կպատասխանի այն հարցադրումներին, որոնց չի կարողացել պատասխանել օտար վայրում՝ անձանոթ մարդկանցով շրջապատված:

ԲՀՄԳ կենտրոնի սահմանափակ թվի հետևանքով որոշ դեպքերում գնահատման գործընթացը տեղի է ունեցել այն ժամանակ, երբ երեխան արդեն հաճախում էր դպրոց: Ուսումնասիրված դեպքերից մեկում երեխային գնահատել են դպրոց գնալուց մեկ տարի անց: Բազմաթիվ ծնողների հավաստմամբ ցանկալի է, որ երեխաների կրթական կարիքները վերագնահատվեն առավել հաճախ, օրինակ՝ տարին մեկ անգամ ներկայիս երկու տարին մեկ հաճախականության փոխարեն: Երևանի ծնողների մի մասը պնդում է, որ կասկածանքով է վերաբերվում ԲՀՄ կենտրոնի կողմից կիրառվող գնահատման մեթոդներին, որոնք ընկալվում են որպես պարզունակ: Մեթոդների խնդիրը ընդունվում է նաև կենտրոնի մասնագետների կողմից: ԲՄՀ գնահատման կենտրոնի տնօրենը նշեց, մի քանի ամիս է, ինչ թիմն աշխատում է գնահատման գործիքների կատարելագործման ուղղությամբ՝ համագործակցելով UNICEF-ի և մի շարք միջազգային փորձագետների հետ, և օգտագործելով արտերկրում վերապատրաստումների արդյունքում ձեռքբերված փորձն ու գիտելիքները: Թե ե՞րբ և ինչպե՞ս և ի՞նչ հիմքերով են փոխվելու գնահատման գործիքները, տնօրենը չմասնավորեցրեց Եվս մեկ կարևոր նկատառում: ԲՀՄ գնահատման կենտրոնի կանոնադրության համաձայն՝ վերջինս պատասխանատու է միայն կրթության առանձնահատուկ կարիքների գնահատման և ոչ թե վկայագրման կամ ուղղորդման համար: Օրենքով սահմանված կարգով վկայագրումը տեղի է ունենում տարածքային կառավարման պետական մարմնի կողմից՝ տրված երգակացության հիման վրա: Ինչպես նշում էին ուսումնասիրված դպրոցների տնօրենները՝ եղել են դեպքեր, երբ ներկայացված գնահատումների արդյունքում ոչ բոլոր երեխաներն են ընդգրկվել ներառական կրթության ծրագրում: Այդուհանդերձ, ծնողների գերակշիռ մեծամասնությունը համոզված է, որ հենց ԲՀՄԳ կենտրոնն է տալիս վերջնական եզրակացություն՝ երեխային ներառելու կամ չներառելու վերաբերյալ: Այժմ անդրադառնանք գործնականում ԱՌԻՊ-երի կազմման և կիրառության առանձնահատկություններին: Տնօրենների և բազմանասնագիտական թիմի անդամների հավաստմամբ ԱՌԻՊ-երը կազմվում են օրենքի համաձայն՝ հատուկ մանկավարժի, սոցիալական մանկավարժի, ուսուցչի, ինչպես նաև ծնողի մասնակցությամբ: Յուրաքանչյուր ուսուցիչ ունի իր առարկայի համար հատկացված բաժինը, որտեղ նշումներ է կատարվում երեխայի ներկայիս վիճակի, դրված

նպատակի, գործողությունների պլանի և առաջադիմության մասին: Բացի այդ, նշումներ են կատարում նաև հոգեբանը, հատուկ մանկավարժը, լոգոպեդը, և այլն: Ինչպես վկայում են հետազոտության արդյունքները՝ գործնականում ԱՌԻՊ-երի որպես այդպիսիների և դրանց կազմման գործընթացների շուրջ գոյություն ունեն մի շարք հակադիր մոտեցումներ և կարծիքներ՝ բազմամասնագիտական թիմի անդամների և ՆԴ տնօրենների մոտ: Մի շարք հատուկ մանկավարժներ դժգոհում են ԱՌԻՊ-երի ձևաթղթային սահմանափակումներից: Մասնավորապես այն հնարավորություն չի տալիս նշումներ կատարել ոչ միայն հիմնական խնդիրների, այլև ենթախնդիրների վերաբերյալ՝ պատճառահետևանքային կապերի բացահայտման և երեխայի հետ աշխատանքն առավել արդյունավետ կազմակերպելու համար:

Գլուխ 2 Խորհուրդներ ուսուցիչներին

1. ԱՌԻՊ-ի նպատակները մշակելիս օգտվել կոնկրետ, չափելի, հասանելի, իրատեսական և ժամկետային մոտեցումներից:
2. Ըստ անհրաժեշտության՝ ԱՌԻՊ-ում անդրադառնալ ակադեմիական, ֆունկցիոնալ և սոցիալական նպատակներին:
3. Ծնողներին և աշակերտին միշտ ընդգրկել ԱՌԻՊ-ի մշակման գործընթացում,
4. ԱՌԻՊ-ի մշակմանն ուղղված քննարկումների ընթացքում երեխայի համար տարբերակների և հարմարությունների ընտրությունը և գործողությունների պլանի մշակումը հնարավորություն են տալիս ունենալու առավել կառուցողական հանդիպումներ:

Մտքեր ղեկավարների համար

1. ԱՌԻՊ-ներն օգնում են դպրոցական թիմերին պլանավորելու ուսուցումը և ծառայությունների տրամադրումը կրթության առանձնահատուկ պայմանների կարիք ունեցող աշակերտներին: Դպրոցների ղեկավարները պետք է ներկա լինեն ԱՌԻՊ-ի մշակման նպատակով կազմակերպվող հանդիպումներին, որպեսզի իմանան, թե ի՞նչ ռեսուրսներ կարող են անհրաժեշտ լինել և թե ինչպե՞ս է իրենց անձնակազմը հասնելու նպատակներին:

2. ԱՌԻՊ-ը կազմող թիմերը (բազմամասնագիտական թիմեր) կարող են շտապել նպատակներին հասնելու համար, առանց հաշվի առնելու աշակերտների և նրանց ընտանիքների հույսերը: Այս առումով կօգնի երեխաների համար տարբերակների և հարմարությունների ընտրությունն ու գործողությունների պլանի մշակումը:

3. ԱՌԻՊ-ներն անհատականացված են, հետևաբար, մի աշակերտի համար սահմանված նպատակները:

ՀՀ-ում կրթության առանձնահատուկ պայմանների կարիքի գնահատումը կատարվում է ԲՀՄԳ կենտրոնի կողմից: Հետազոտության արդյունքների համաձայն թե՛ մայրաքաղաքում, թե՛ մարզերում ծնողների շրջանում գոյություն ունի թերտեղեկացվածություն կրթական կարիքների գնահատման գործընթացի էության և դրա նպատակների վերաբերյալ: Սակայն, եթե Երևանում ծնողները քիչ թե շատ տեղեկացված են, թե երբ և ինչպես է տեղի ունեցել իրենց երեխաների կարիքների գնահատումը, ապա մարզերում ծնողների մի զգալի մասն ընդհանրապես պատկերացում չունեն այդ գործընթացի մասին: Սա ամենևին չի նշանակում, որ գնահատման ընդհանրապես տեղի չի ունեցել: Պարզապես գործընթացի նպատակը ծնողների մի մասը՝ 34 ծնողից 14-ը, չի ընկալել: Ո՛չ դպրոցի, ո՛չ էլ գնահատման կենտրոնի մասնագետները ծնողներին պատշաճ կերպով չեն բացատրել կարիքների գնահատման էությունը: Ծնողները նշում էին, որ եկել են ինչ-որ մարդիկ Երևանից կամ այլ հարակից մարզերից, և երեխայի հետ զրուցել են, գույներ են ցույց տվել, հարցեր են տվել, ու վերջում եզրակացրել են, որ երեխան կարող է գնալ/շարունակել գնալ դպրոց: Երբեմն կարիքների գնահատումը նույնացվում է կարիքները հոգալու համար անհրաժեշտ օգնության տրամադրման հետ: Օրինակ՝ ուսումնասիրված դեպքերից մեկում ծնողը խիստ վրդովված էր այն հանգամանքով, որ գնահատումից հետո իր երեխային չեն տրամադրել սայլակ, և նա ստիպված է եղել խնդիրը լուծել սեփական ուժերով: Ինչ վերաբերում է այն դեպքերին, երբ ծնողը հետամուտ է եղել իր երեխայի կրթական կարիքների գնահատմանը, ապա առանձնացվում է գործընթացի հետ կապված երկու հիմնական դժգոհություն: Ինչպես փաստում է ԲՀՄԳ կենտրոնի տնօրենը, երեխայի կրթական կարիքների գնահատումը կարող է տևել մեկ օրից մինչև 2 շաբաթ՝ կապված դեպքի բարդությունից և լրացուցիչ մասնագետներ ներգրավվելու

անհրաժեշտությունից: Այդուհանդերձ, տվյալ հետազոտության մեջ ներառված դեպքերի գերակշիռ մեծամասնությունում գնահատումը տևել է մեկից երկու օր: Որոշ ծնողների հավաստմամբ 1-2 օրում անհնար է ճշգրիտ պատկերացում կազմել երեխայի կարիքների մասին: Անհրաժեշտ է տևական ժամանակ և այցելություններ դպրոցներ, քանի որ հավանական է, որ իր համար հարազատ միջավայրում երեխան ավելի անկաշկանդ վարք կցուցաբերի և կպատասխանի այն հարցադրումներին, որոնց չի կարողացել պատասխանել օտար վայրում՝ անծանոթ մարդկանցով շրջապատված: ԲՀՄԳ կենտրոնի սահմանափակ թվի հետևանքով որոշ դեպքերում գնահատման գործընթացը տեղի է ունեցել այն ժամանակ, երբ երեխան արդեն հաճախում էր դպրոց: Ուսումնասիրված դեպքերից մեկում երեխային գնահատել են դպրոց գնալուց մեկ տարի անց: Բազմաթիվ ծնողների հավաստմամբ ցանկալի է, որ երեխաների կրթական կարիքները վերագնահատվեն առավել հաճախ, օրինակ՝ տարին մեկ անգամ ներկայիս երկու տարին մեկ հաճախականության փոխարեն: Երևանի ծնողների մի մասը պնդում է, որ կասկածանքով է վերաբերվում ԲՀՄ կենտրոնի կողմից կիրառվող գնահատման մեթոդներին, որոնք ընկալվում են որպես պարզունակ: Մեթոդների խնդիրը ընդունվում է նաև կենտրոնի մասնագետների կողմից: ԲՄՀ գնահատման կենտրոնի տնօրենը նշեց, մի քանի ամիս է, ինչ թիմն աշխատում է գնահատման գործիքների կատարելագործման ուղղությամբ՝ համագործակցելով UNICEF-ի և մի շարք միջազգային փորձագետների հետ, և օգտագործելով արտերկրում վերապատրաստումների արդյունքում ձեռքբերված փորձն ու գիտելիքները: Թե ե՞րբ և ինչպե՞ս և ի՞նչ հիմքերով են փոխվելու գնահատման գործիքները, տնօրենը չմասնավորեցրեց Եվս մեկ կարևոր նկատառում: ԲՀՄ գնահատման կենտրոնի կանոնադրության համաձայն՝ վերջինս պատասխանատու է միայն կրթության առանձնահատուկ կարիքների գնահատման և ոչ թե վկայագրման կամ ուղղորդման համար: Օրենքով սահմանված կարգով վկայագրումը տեղի է ունենում տարածքային կառավարման պետական մարմնի կողմից՝ տրված երգակացության հիման վրա: Ինչպես նշում էին ուսումնասիրված դպրոցների տնօրենները՝ եղել են դեպքեր, երբ ներկայացված գնահատումների արդյունքում ոչ բոլոր երեխաներն են ընդգրկվել ներառական կրթության ծրագրում: Այդուհանդերձ, ծնողների գերակշիռ մեծամասնությունը համոզված է, որ հենց ԲՀՄԳ կենտրոնն է տալիս վերջնական

եզրակացություն՝ երեխային ներառելու կամ չներառելու վերաբերյալ: Այժմ անդրադառնանք գործնականում ԱՌԻՊ-երի կազմման և կիրառության առանձնահատկություններին: Տնօրենների և բազմանասնագիտական թիմի անդամների հավաստմամբ ԱՌԻՊ-երը կազմվում են օրենքի համաձայն՝ հատուկ մանկավարժի, սոցիալական մանկավարժի, ուսուցչի, ինչպես նաև ծնողի մասնակցությամբ: Յուրաքանչյուր ուսուցիչ ունի իր առարկայի համար հատկացված բաժինը, որտեղ նշումներ է կատարվում երեխայի ներկայիս վիճակի, դրված նպատակի, գործողությունների պլանի և առաջադիմության մասին: Բացի այդ, նշումներ են կատարում նաև հոգեբանը, հատուկ մանկավարժը, լոգոպեդը, և այլն: Ինչպես վկայում են հետազոտության արդյունքները՝ գործնականում ԱՌԻՊ-երի որպես այդպիսիների և դրանց կազմման գործընթացների շուրջ գոյություն ունեն մի շարք հակադիր մոտեցումներ և կարծիքներ՝ բազմամասնագիտական թիմի անդամների և ՆԴ տնօրենների մոտ: Մի շարք հատուկ մանկավարժներ դժգոհում են ԱՌԻՊ-երի ձևաթղթային սահմանափակումներից: Մասնավորապես այն հնարավորություն չի տալիս նշումներ կատարել ոչ միայն հիմնական խնդիրների, այլև ենթախնդիրների վերաբերյալ՝ պատճառահետևանքային կապերի բացահայտման և երեխայի հետ աշխատանքն առավել արդյունավետ կազմակերպելու համար: Մանկավարժների մյուս խումբը՝ հակառակը, համոզված է, որ ԱՌԻՊ-ը իբրև փաստաթուղթ բավականին հազեցած է ավելորդ տեղեկատվությամբ և ենթաբաժիններով, ինչի արդյունքում մի շարք ուսուցիչներ ուղղակի ժամանակ չեն ունենում պատշաճ կերպով լրացնել իրենց հատկացվող բաժինները:

Եզրակացություն

- ❖ Հետազոտական աշխատանքը իրականացնելիս եկանք այն եզրակացության, որ ներառական կրթության առաջնահերթ խնդիրներից է սովորողների կրթադաստիարակչական աշխատանքներում և մասնագիտական կրթության ձեռքբերման ընթացքում հնարավոր խոչընդոտների հաղթահարման ուղիների որոնումը: Ներառական կրթության արդյունավետ իրականացումը պահանջում է մեծ ջանքեր և ներդրումներ: Այս հարցի լուծմանը մեծապես կարող է նպաստել բոլոր սովորողների, այդ թվում նաև՝ կրթության առանձնահատուկ պայմանների կարիք ունեցող /ԿԱՊԿՈՒ/ անձանց դաստիարակության ճիշտ և արդյունավետ կազմակերպումը, ինչի շնորհիվ ձևավորվում է որոշակի վերաբերմունք սեփական և այլ անձանց առողջության նկատմամբ, առաջնահերթ կարևորվում է յուրաքանչյուրի ֆիզիկական և մտավոր առանձնահատկություններին համապատասխան կրթություն ստանալու հնարավորությունը: Աշխատանքը իրականացնելիս իրազեկվեցինք, որ մեր իրականության մեջ ներառական կրթության համակարգն աստիճանաբար ընդգրկում է տարբեր ուսումնական հաստատություններ՝ նախակրթարաններ, հանրակրթական դպրոց, միջին մասնագիտական և բարձրագույն ուսումնական հաստատություններ: Համաշխարհային արդի զարգացումները, շրջակա միջավայրում և հասարակական հարաբերություններում կատարվող աննախադեպ փոփոխությունները անմիջական ներգործություն են ունենում մարդու առողջության և հասարակական համակեցության վրա՝ տարատեսակ խնդիրների թվում առաջին պլան մղելով կրթության դերի կարևորումն ու որակի բարելավումը:
- ❖ Հետազոտական աշխատանքի թեման հետաքրքիր և արդիական էր, քանի որ ԱՈՒՊ-ը ամենակարևոր գործիքներից է, որով կարելի է օգնել կրթության առանձնահատուկ պայմանների կարիք ունեցող երեխաներին՝ իրականացնելու իրենց կրթության իրավունքը դպրոցում:
- ❖ ԱՈՒՊ-ը ներկայացնում է կրթության լավագույն գործելակերպի օրինակ, որովհետև կա բազմամասնագիտական թիմ, որը գաղափարներ է տալիս երեխաների նպատակների վերաբերյալ: Այս թիմում միշտ ներկա է ծնողը:

ԱՌԻՊ-ի գլխավոր առանձնահատկությունն այն է, որ երեխայի նպատակները պահվում են ուշադրության կենտրոնում: Այս նպատակները պետք է սահմանվեն այնպես, որ լինեն կոնկրետ, չափելի, հասանելի, իրատեսական և ժամկետային, որպեսզի հնարավոր լինի առաջընթացին հետևել ամբողջ տարին: Նպատակները կարող են լինել ակադեմիական (միտված ուսումնառությանը), սոցիալական (միտված ընկերներ ձեռք բերելուն և նրանց հետ հաղորդակցվելուն) կամ ֆունկցիոնալ (միտված անկախ ու ինքնուրույն ապրելու հմտություններին):

Առաջարկություն

Հետազոտական աշխատանքը իրականացնելիս՝ հասկացանք, որ ԱՌԻՊ-ը բարդ փաստաթուղթ է և երբեմն ուսուցիչները խուսափում են այդ բարդ գործընթացից, այդ իսկ պատճառով ցանկալի է ԱՌԻՊ-ի լրացման գործընթացը կրճատել և դարձնել ավելի մատչելի թե՛ ուսուցչի, թե՛ ծնողի համար:

Եզրույթների բառարան

Ներառական կրթություն - յուրաքանչյուր երեխայի համար, այդ թվում կրթության առանձնահատուկ պայմանների կարիք ունեցող, զարգացման առանձնահատկություններին համապատասխան, անհրաժեշտ պայմանների և հարմարեցված միջավայրի ապահովման միջոցով կրթական գործընթացին առավելագույն մասնակցության և հանրակրթության պետական չափորոշիչով սահմանված արդյունքի ապահովումը:

Կրթության առանձնահատուկ պայմաններ - անձի հանրակրթական հիմնական ծրագրի յուրացմանը նպաստակառուղիված առարկայական ծրագրերի և ուսուցման մեթոդների, ուսուցման անհատական տեխնիկական միջոցների, հարմարեցված միջավայրի, ինչպես նաև՝ մանկավարժական, սոցիալական և այլ ծառայությունների ամբողջություն:

Կրթության առանձնահատուկ պայմանների կարիք ունեցող անձ - ուսուցման հետ կապված դժվարություններ, այդ թվում՝ զարգացման ֆիզիկական կամ մտավոր առանձնահատկություններ ունեցող անձ, որի կողմից հանրակրթական հիմնական ծրագրերը յուրացնելու համար անհրաժեշտ են կրթության առանձնահատուկ պայմաններ:

Մանկավարժահոգեբանական աջակցության ծառայություններ - ուսումնամեթոդական, հոգեբանական և մանկավարժական աջակցություն, որը ցուցաբերվում է սովորող երեխային, նրա ծնողին և մանկավարժական աշխատողին:

Անհատական ուսուցման պլան - հանրակրթության պետական և առարկայական չափորոշիչների, ծրագրերի և երեխայի կրթության առանձնահատուկ պայմանների կարիքի հիման վրա կազմված փաստաթուղթ, որը սահմանում է սովորողի կրթության կազմակերպման տարեկան նպատակը, խնդիրները և դրանց հասնելու գործողությունները (ներառյալ՝ աջակցող ծառայությունները):

Գրականության ցանկ

1. ՀՀ-ում ներառական կրթության իրականացման գնահատում Կրթական հետազոտությունների և խորհրդատվությունների կենտրոն-Երևան 2013
2. ՆԵՐԱՌԱԿԱՆ ԿՐԹՈՒԹՅՈՒՆ ՈՒՍՈՒՄՆԱՄԵԹՈՂԱԿԱՆ ՁԵՌՆԱՐԿ – Երևան 2017
3. Ներառական կրթության ռազմավարություններ Դասագիրք- Երևան 2019
4. ԱՈՒՊ (ԱՆՀԱՏԱԿԱՆ ՈՒՍՈՒՑՄԱՆ ՊԼԱՆ) ԽՈՐՀՈՒՐԴՆԵՐ ՈՒՍՈՒՑԻՉՆԵՐԻՆ - Ն. Աղալյան
5. <https://hmk.am/wpcontent/uploads/2021/04/%D5%86%D5%A5%D6%80%D5%A1%D5%BC%D5%A1%D5%AF%D5%A1%D5%B6-%D5%AF%D6%80%D5%A9%D5%B8%D6%82%D5%A9%D5%B5%D5%A1%D5%BC%D5%A1%D5%A6%D5%B4%D5%A1%D5%BE%D5%A1%D6%80%D5%B8%D6%82%D5%A9%D5%B5%D5%B8%D6%82%D5%B6%D5%B6%D5%A5%D6%80.-%D4%B4%D5%A1%D5%BD%D5%A1%D5%A3%D5%AB%D6%80%D6%84.pdf/10.11.2022/>
6. <https://hmk.am/wp-content/uploads/2021/04/Ներառական-կրթություն-2017.pdf/10.11.2022/>
7. <https://hmk.am/wp-content/uploads/2021/03/IEP-tips-teachers.pdf/10.11.2022/>
8. https://hmk.am/wp-content/uploads/2021/04/Inclusive-education-report_ARM-without-tools.pdf/10.11.2022/